

regarde le Septentrion, & deux autres de quatre pieds aux deux coings de celuy qui regarde le Midy, nous ferons vne demy lune deuant nostre porte avec des boises fortes, afin qu'elle ne soit aisée à attaquer, quant à l'affiette du lieu elle est des plus belles du pays, car le fondz de la terre est tres-bon, & sans pierre aucune, les arbres y sont clairs & pour tant aitez à deserter, nous auons du costé du Septentrion la petite Riuiere, qui n'eantmoins n'est pas petite, principalement quant la Mer est pleine, mais elle se nomme ainsi en comparaison de la grande, dans laquelle elle se va emboucher, nous auons vn fossé du costé de l'Orient, & fort profond, & large, vn autre du costé de l'Occident, dans lesquels y à des Ruisseaux d'eau qui se vont presque rencontrer du costé du midy, il ne s'en fault pas plus de cinquante piedz, si bien que nous sommes presque comme dans vne Isle qui peut contenir trois ou quatre Arpens tout le pays de ça & de là, Riuiere est de mesme façon de terre, nous auons aussi la commodité des Prez le long de c'este petite Riuiere, au bord de laquelle nous sommes bastis: ne fault qu'arracher certaines brouissailles qui rompent les faux quād on fauche, si bien que la nourriture du Bestail nous sera fort aysée: nous auons amené vn Asne & vne Anesse pour nostre commodité, nous nourissons aussi des Pourceaux, vne couple d'Oyes Malle & Femelle, sept paires de Volailles, quatre paire de Canes. Quād aux Vaches & Cheures, nous ne sommes pas en volonté d'en nourir que l'Année prochaine que nous serons mieux accommodez: outre la Riuiere qui est fort poissonneuse & les fosses, nous ferons faire quatre autre fossés de douze pieds de large en hault de six en bas & de hault de